

455

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

Bosnia and Herzegovina
Federation of Bosnia and Herzegovina

CANTON SARAJEVO
Cantonal Administration for Inspection Issues

KANTON SARAJEVO	
- 6 - 02 - 2020	
01	05 38844-152-1578

Broj: 14-02-05-05664/19
Sarajevo, Januar 29. 2020. godine

119

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
SARAJEVO

Predmet: *Odgovor na zastupničku inicijativu broj: 01-05-38844-152/19 od 06.11.2019. godine postavljeno od strane zastupnika Zvonka Marića- dostavlja se;*

Kantonalna uprava za inspekcijske poslove Kantona Sarajevo, dana 14.11.2019. godine zaprimila je zastupničku inicijativu postavljenu od strane zastupnika Zvonka Marića na 14. Radnoj sjednici Skupštine Kantona Sarajevo, održanoj dana 30.10.2019. godine u okviru tačke Dnevnog reda " Poslanička /zastupnička pitanja, inicijative i odgovori " a u skladu sa Poslovníkom Skupštine Kantona Sarajevo koja glasi

" Molim Ministarstvo prostornog uređenja, građenja i zaštite okoliša te Kantonalnu upravu za inspekcijske poslove da obavi nadzor nad pravnim licem Cargo International doo Sarajevo ulica Dobroševići 12-14.

Navedeno pravno lice u svojim dokumentim koje je priložilo u postupku dobijanja okolinske dozvole za betonaru priložilo je Izvještaj o mjeranju emisije zagađujućih materija u zrak za Cargo international doo Sarajevo koji je izradila firma Inspekt RGH doo Sarajevo u kojem se pominje da navedeno pravno lice u kotlovskom postrojenju tipa Viardus U22 koristi ugali iz RMU Miljevina koji po svom sastavu nije dozvoljeno upotrebljavati na osnovu člana 17.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

stav (1) Odluke o zaštiti i poboljšanju zraka u Kantonu Sarajevo. ("Sl.novine Kantona Sarajevo"br. 23/16).

Dokumente u elektronskoj formi možete naći na web stranici Ministarstva.

Također molim da na istoj pravnoj osnovi izvršite nadzor nad pravnim licem Subašić doo tj. stovarište uglja Subašić kontakt broj 062 666 562 koji na olx.ba nudi prodaju uglja RMU Miljevina na području Kantona Sarajevo koji po svom sastavu nije dozvoljeno prodavati na osnovu člana 17. stav (1) Odluke o zaštiti i poboljšanju kvaliteta zraka u Kantonu Sarajevo ("Sl.novine Kantona Sarajevo"br. 23/16)

Na olx.ba se nalaze mnoga fizička i pravna lica koja prodaju ugalj na području Kantona sarajevo koji po svom sastavu nije dozvoljeno prodavati na osnovu člana 17. stav (1) Odluke o zaštiti i poboljšanju kvaliteta zraka u Kantonu Sarajevo ("Sl.novine Kantona Sarajevo"br. 23/16).

Molim da me obavijestite o poduzetim aktivnostima. "

U vezi s pokrenutom inicijativom, dostavljamo slijedeći

O D G O V O R :

Dana 21.11.2019. godine, inspektor zaštite okoliša izvršio je inspekcijski nadzor u sjedištu društva "Cargo-International"doo Sarajevo ul. Dobroševići br.12-14. Nadzor je izvršen u prisustvu odgovornog lica i tom prilikom je konstatovano da subjekt nadzora za zagrijavanje kancelarijskog prostora, osim klima uređaja koristi i kotao snage 30 KW , a kao energent koristi ugalj.

U momentu inspekcijskog nadzora, na lokaciji je zatečena količina uglja za koju lice prisutno nadzoru izjavi da je dovoljna za ovu grejnu sezonu te da je ugalj koji se koristi nabavljen prije dvije do tri godine te da za isti ne posjeduju dokumentaciju.

Obzirom da inspektoru nije predložen račun niti certifikat da zatečeni ugalj ispunjava uslove iz člana 17.stav (1) Odluke o zaštiti i poboljšanju kvaliteta zraka u Kantonu Sarajevo ("Sl.novine Kantona Sarajevo"broj 23/16) , inspektor je aktom broj: UP-1-14-06/13-23.2-22621/19 od 04. decembra 2019. godine, zatražio da subjekt nadzora putem akreditovane laboratorije za analizu uglja izvrši analizu i dostavi dokaz o kvalitetu uglja. Kako subjekt nadzora, nije postupio po nalogu inspektora odnosno kako je propustio dostaviti dokaz o izvršenoj analizi uglja, čime je počinio prekršaj iz člana 54 stav (4) Zakona o inspekcijama Kantona sarajevo ("Sl.novine Kantona Sarajevo"broj 2/17) kažnjiv po članu 109. istog zakona, inspektor je pokrenuo prekršajni postupak izdavanjem prekršajnog naloga te izrekao novčanu kaznu u visini od 3.000,00 KM za pravno lice i 1.000,00 KM za odgovorno lice u pravnom licu.

Prilikom inspekcijskog nadzora izvršen je uvid u Izvještaj o mjerenju emisije zagađujućih materija u zrak, urađen od strane Inspekt RGH doo Sarajevo od aprila 2018. godine u kojem stoji " Na osnovu izmjerenih koncentracija zagađujućih materija u zrak iz stacioniranih izvora Cargo international"doo Sarajevo, izvršenih dana 03.04.2018. godine ,



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

može se zaključiti da ovako dobijene vrijednosti ne prelaze granične vrijednosti emisija , propisane važećim zakonskim i podzakonskim normama."

Na drugi dio pitanja koji se odnosi na prodaju uglja od strane društva "Subašić"do, od strane tržišno-turističkog inspektora pokušao je inspeksijski nadzor u više navrata.

Naime, na telefonski broj naveden u zastupničkoj inicijativi, iako je isti od strane postupajućeg inspektora u cilju provjere navoda iz zastupničkog pitanja, pozivan više puta niko se ne javlja. Daljnim provjerama od strane inspektora, utvrđeno je da navedeni telefonski broj nije registrovan u BH telecomu . Obzirom da u zastupničkoj inicijativi nije navedena adresa gdje se vrši prodaja uglja od strane društva "Subašić"do, lokacija pijace Stup, gdje se prije vršila nelegalna prodaja uglja od strane postupajućeg inspektora u par navrata je kontrolisana, međutim prilikom nadzora nije zatečeno kako navedeno lice tako ni druga lica da vrše predmetnu prodaju.

U cilju utvrđivanja činjenica, aktom inspektora broj: UP-1-14-08-20-22513/19 od 29.11.2019. godine zatražena je informacija od Općinskog suda u Sarajevu, da li je navedeno društvo registrovano na području Kantona Sarajevo te ukoliko jeste gdje je sjedište istog.

Općinski sud u Sarajevu je aktom broj: 065 -0- RegZ -19 -010616 od 16.12.2019. godine, obavijestio ovaj organ da "uvidom u bazu podataka Registra poslovnih subjekata Općinskog suda u Sarajevu, nema podataka za subjekt upisa pod nazivom "Subašić "do.

Zbog naprijed navedenog, inspeksijski nadzor na okolnosti navedene u zastupničkoj inicijativi, koje se odnose na prodaju uglja od strane društva "Subašić"do nije bilo moguće izvršiti.

S poštovanjem,

Dostaviti:

- 1.Predsjedavajući Skupštine KS
2. Sekretaru Skupštine KS
3. Stručnoj službi Vlade KS
4. a/a



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb